



Broj: 10-05-13556/18
Sarajevo, 05.06.2018.godina

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na zastupničku inicijativu

Zastupnica Neira Dizdarević, na 40. Radnoj sjednici Skupštine Kantona Sarajevo, održanoj 04.04. 2018. godine, u okviru tačke Dnevnog reda "Zastupnička pitanja, inicijative i odgovori" u skladu sa Poslovníkom Skupštine Kantona Sarajevo, pokrenula je zastupničku inicijativu:

" Molim Ministarstvo zdravstva Kantona Sarajevo da razmotri mogućnost formiranja tima mobilnih doktora, koji bi bili zamjena odsutnim doktorima, neovisno u kojem se domu zdravlja širom kantona ukaže potreba. Zavod za zdravstveno osiguranje KS će, u saradnji sa domovima zdravlja izvršiti procjenu potrebnog broja zamjenskih doktora i definirati model finansiranja".

U vezi sa postavljenom zastupničkom inicijativom dostavljamo slijedeći:

ODGOVOR

Vezano za postavljenu zastupničku inicijativu, ovom ministarstvu je dostavljeno mišljenje JU Dom zdravlja Kantona Sarajevo (akt broj 01-03-3812-2/18 od 10.05.2018.godine) i Zavoda zdravstvenog osiguranja Kantona Sarajevo (akt broj 03-02-I-L.B-13473/18 od 26.04.2018.godine), koja Vam dostavljamo u prilogu akta



MINISTRICA

Zuna Ademaj, dipl.oec



Alma 14.05.2018 1939
M. K. Šić
L. H. C.
H

JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR
BROJ: 01-03 - 3812-2/18
DANA: 10.05.2018.godine
SARAJEVO, VRAZOVA 11

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO ZDRAVSTVA
Sarajevo, Reisa Džemaludina Čauševića 1
n/r dipl. oec. Zilha Ademaj, ministrica

Bosna i Hercegovina
Federacija Bosne i Hercegovine
KANTON SARAJEVO

PRIMLJENO:			
Organizaciona jedinica	Klasifikaciona oznaka	Broj	Broj priloga
10	37	18380	

Predmet: Inicijativa - mišljenje, dostavlja se

Vežano za dostavljenu inicijativu i traženo mišljenje za istu, Vaš broj: 10-37-18380 od 16.04.2018. godine, koja se odnosi na mogućnost obezbjeđenja rada „tima mobilnih doktora“ za područje Kantona Sarajevo koji bi bili zamjena odsutnim doktorima u skladu sa potrebama na terenu, obavještavamo Vas da se prema Odluci Skupštine Kantona Sarajevo o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovu obaveznog zdravstvenog osiguranja sa zdravstvenim ustanovama sa područja Kantona Sarajevo iz decembra 2009. godine kojom se reguliše oblast porodične medicine, nalaže da svaki tim porodične medicine bude registrovan u Zavodu zdravstvenog osiguranja Kantona Sarajevu, pri čemu je jasno definisan broj medicinskih kartona - 1800 po svakom timu. Potrebno bi bilo, također, promijeniti i Statut JU Dom zdravlja Kantona Sarajevo, kao i Pravilnik o radu, unutrašnjoj organizaciji i sistematizaciji radnih mjesta JU Dom zdravlja Kantona Sarajevo, koji ne poznaju postojanje "mobilnih timova".

Shodno navedenom važeće propise bi bilo nemoguće ispoštovati ako bi se rješenju problema pristupilo „ad hoc“, na način kako je navedeno u inicijativi. Stoga bi bilo nužno da se najprije prilagode i harmoniziraju akti koji uređuju ovu oblast, te se u formalno-pravnom smislu omogućiti provođenje ovakve inicijative.

S poštovanjem,

GENERALNI DIREKTOR

Spec. porodične i obiteljske medicine

DOSTAVITI:

1. Naslovu
2. a/a



ZAVOD ZDRAVSTVENOG OSIGURANJA
KANTONA SARAJEVO
Ložionička br.2, Sarajevo
Tel. +387 33 72 52 00
Fax +387 33 72 52 98
e-mail: info@kzzosa.ba



INSTITUTE FOR HEALTH INSURANCE
CANTON SARAJEVO
Ložionička br.2, Sarajevo
Tel. +387 33 72 52 00
Fax +387 33 72 52 98
e-mail: info@kzzosa.ba

1837

Broj: 03-02-I-L.B.- 13473 /18
Sarajevo, 26.04.2018. godine

BOSNA I HERCEGOVINA
FEDERACIJA BOSNE I HERCEGOVINE
KANTONA SARAJEVO
MINISTARSTVO ZDRAVSTVA
Ul. REISA DŽEMALUDINA ČAUŠEVIĆA br. 1
71 000 SARAJEVO

Bosna i Hercegovina
Federacija Bosne i Hercegovine
KANTON SARAJEVO

PRIMAK BENDI: 03-05-2018			
Organizacioni broj	Plaća/kategorija	Redni broj	Broj priloga
10	37	18380	

N/R Ministrice, dipl.oec. Zilha Ademaj

Predmet: Mišljenje na inicijativu - dostavlja se

Veza: Vaš akt broj 10-37-18380 od 16.04.2018. godine

Poštovana,

U vezi Vaših zahtjeva, broj gornji, a povodom inicijative zastupnice u Skupštini KS Dizdarević Neire, i vijećnice u Općinskom Vijeću Ilidža, Azre Jahić, obavještavamo Vas kako slijedi u nastavku.

Shodno odredbama Zakona o zdravstvenom osiguranju FBiH, Zakona o zdravstvenoj zaštiti, Odluke o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovu obaveznog zdravstvenog osiguranja sa zdravstvenim ustanovama sa područja Kantona Sarajevo, te Jedinstvene metodologije kojom se bliže utvrđuju kriteriji i mjerila za zaključivanje ugovora između nadležnog zavoda zdravstvenog osiguranja i zdravstvene ustanove, Zavod zdravstvenog osiguranja je dana 06.02.2017. godine raspisao Javni poziv za odabir pružaoca usluga porodične/obiteljske medicine. Po okončanju Javnog poziva, zaključeni su ugovori sa 215 timova porodične medicine, i to 207 timova formiranih pri JU Dom zdravlja KS, te 8 timova registrovanih pri privatnim zdravstvenim ustanovama. U skladu sa postojećim standardima i normativima, a prema prednje pomenutoj Odluci o utvrđivanju većeg obima prava, za područje Kantona Sarajevo, na osnovu trenutnog broja osiguranih lica, potrebno je osigurati 203 tima porodične/obiteljske medicine za pružanje predmetnih usluga. Imajući u vidu navedeno, Zavod je, u cilju osiguranja većeg stepena zdravstvene zaštite, kao i rasterećenja timova, zaključio ugovore sa 12 timova više od utvrđenog standarda.

Pored navedenog, veoma značajnim cijenimo napomenuti da trenutno usluge porodične medicine, pored prednjih, a u okviru sredstava obaveznog zdravstvenog osiguranja još uvijek pružaju i Zavod za medicinu rada, Zavod za zdravstvenu zaštitu zaposlenika MUP-a KS, te Zavod za zdravstvenu zaštitu radnika u saobraćaju. Napominjemo i da je JU Dom zdravlja KS, a koji se finansira iz sredstava obaveznog zdravstvenog osiguranja, odobren prijem 42 ljekara putem projekta Zavoda za zapošljavanje KS i Vlade KS. Slijedom svega navedeno, mišljenja smo da trenutno postoje više nego dostatni uslovi da se pružanje usluga porodične medicine organizuje bez bilo kakvih poteškoća za pacijente, uz napomenu da su za isto odgovorni menadžmenti zdravstvenih ustanova/pružaoca usluga.

Dodatno, a kako se u praksi ne bi dešavale situacije da osiguranici ostanu bez pokrivenosti uslugama porodične medicine, Zavod je u zaključene ugovore uvrstio i klauzulu da je zdravstvena




ustanova, u slučaju odsustva člana tima, dužna imenovati zamjenskog člana i o navedenom obavijestiti Zavod.

Shodno prednjem, u domenu osiguranja pružaoca usluga porodične/obiteljske medicine Zavod je ispunio sve svoje zakonske obaveze, te uz puno uvažavanje i razumijevanje koristi predložene inicijative, ne postoji mogućnost koja bi bila u skladu sa postojećim propisima, a koja bi omogućila učešće Zavoda u provođenju iste.

Naravno, navedeno ne uskraćuje pravo opštine, zdravstvene ustanove na području opštine ili resornog ministarstva da, ukoliko raspolažu dodatnim finansijskim sredstvima, osiguraju finansiranje zapošljavanja dodatnih ljekara na području određene društvene zajednice.

S poštovanjem,



Rukovodilac službe za pravne poslove
Brčić Ljilja

Kontrolisao:



Rukovodilac Odjela za medicinske poslove
Mr.sci.oec.dr.spec.p/om Fikret Jonuz



Dostaviti:

1. Naslovu;
2. Evidenciji;
3. a/a.